

۲ شوال ۱۳۳۰

جمعه ایرته-سی

۱ ایلول ۱۳۲۸

نومرو ۶ — ۲۴

نسخه-سی ۲۰ پاره-در



امور اداره و تحریریه و اعلانات و سائره ایچون مدیر
مسئوله مراجعت ایدملبدر .

آبونہ-سی بر سنه-ک اعتباریلہ ممالک عثمانیه ایچون
۱۵ و ممالک اجنیه ایچون ۲۰ فروشدر .

هرقای امنک مقالات متصوفانه-رینه جریده
دوفیه-ک حیفه-لری آچیتدر .

شمذیلک اون بش کونده بر نشر اولنور

بجل اداره باب عالی جوارنده ابوالسمود جاده-سنده
نجم استقبال مطبعه-سی

تصوفی، دینی، سیاسی-اخلاقی، ادبی تورک جریده اسلامیه-سیدر

مجله محبت حقیقیه

جناب حق و فیاض محقق حضرت تری جبریل امین ناموس اکبر
وساطت سفیر لیل رسول مجید، سرور دوعالم، سید اولاد و بی
آدم محمد مصطفی صلی الله تعالی علیه وآله وسلم افتدمن حضرت تریه
ازل بیوردینی قرآن عظیم و فرمان کریمده، علی الخصوص
(سوره مائده) اسمیله مسمی بر سوره سبحانیه سنده محبت حقنده
- (یحیی و یحیونه) بیور بیورلر یعنی، جناب حق مؤمن صالح
قولارینه محبت ایدر و آنارده جناب حقه محبت ایدر، دیمکدر،
و کذلک - سوره آل عمرانده (قل ان کنتم یحییون الله فانبیونی
یحییکم الله و یغفر لکم ذنوبکم و الله غفور رحیم) وارد اولیور
یعنی: اگر سر الله محبت ایدر اولدیکز ایسه بکا اتباع ایدیکز
الله رسول الله سزه محبت ایدر و کناهار یکزه مغفرت ایار.
فخر رسالت افتدمن حضرت تری دخی بیور مشدرکه جناب حق
جبریل امین علیه السلامه اسر ایدوب بیورلرکه یاجبریل بن فلان
کیمسه بی - و دم سن ده سوه بین صکره جناب جبریل علیه السلام
اول کیمسه بی محبت ایدر و اهل سمایه ندا ایلرکه جناب الله فلان
قولی سومشدر سر دخی اول قولی - سوه - یکز در صکره اهل
سما دخی اول قوله محبت ایدرلر، محبتک معنایی، - محب
اولان ذات کایتله وجودینی و ماملکتینی محبوبنه فدا و هبه ایدوب
کندوسنده بر اثر قلاما قلددر.
بعض اجله کبار صوفیه بیوردیلرکه: محبتک معنایی حقدن
ماسوا ایچون سنده بر شیئی قالمیرق محبت کلیه سنی جناب حقه
حصر ایتمکدر، و حقیقت محبت ایسه آنیحق قلبک کدورات نفا
نیه دن خلاصندن صکره حاصل اولور محبت الله قلبنده تقرر ایتمده
کده غیره یعنی ماسوا به اولان محبت محو و زائل اولور، زیرا
محبت بر صفت محرق درکه کندی جنسندن ماعداسنی احراق ایدر،
از جمله شاعراک (فدلصفت حیه الهوی کیدی) مصراع ادیبانه سنده
واقع اولمشدر، هوای نفسانیه اولان بیلان بنم جگر می به دی
دیمکدر، جناب جنید بغدادی قدس سره الهادی حضرتلرندن
سلطان الصوفیه شیخ الاکبر جناب محی الدین ابن عربی قدس
سره السرمدی حضرتلری روایت بیور بیورلر.
محبت، محبت کند و صفاتک زوالیله آنک مقابلنده محبو -
بک صفاتی محبت قلبنه داخل اولمقددر، جناب غوث اکبر سلطان
سید احمد الرفاعی قدس سره السامی حضرتلری محبتک علامتی
شعوات دنیویه و اخرویه نک منقطع اولمیدر، بیور مشارددر، یحیی
بن مازضی الله عنه حضرتلری بیوردیلرکه محبت صبری زاهدینک
صبرندن اشد و افوادر، بنه جناب شیخ الاکبر افتدمن حضرتلری:
او کیمسه بیه تعجب ایدر که محرماتدن اجتنابی اولمدینی عاده نصل
محبت الهیه دعواسنده بولنور بیور بیورلر و سلف صالحیندن بر

بنک ساغ جانبدن باشلا یوب صدرینک سول جانب اعلامی اولان
قابیه ضرب ایتمی، بونی بویله اجرا ایتمی که قلبنده تکیون ایدن
حظوظات شیطانیه و منبغ شعوات نفسانیه اولان علقه (طوکش
قان) آزار آزار تناقص ایتمسون و آنک برینه نور عرفان طولسون،
مشایخ کرامک شو تعریفی دین مبین اسلامک جهت معنویه سینه
تماس ایدر، جمعیت بشریه ایچون تصفیة اخلاق اساسیدر مادی شیارک
هرنه اولور ایسه اولسون جهت معنویه سی ده وارد و امهال اولنما ایدر.
ایسته دوران دم ایله مشایخ کرامک تعریفی حیات مادیه
و موجودیت معنویه نقطه نظرندن بر برینه مناسبت تامه پیدا ایدر
یا اولی الالباب!.. نظر امان ایله تفکر و شاهد فکری ساحه حقد
بقده جولان ابتدایکز، کورر سکرکه بو عالمده باقی قالان خوشیجه
بر صدا همان موجودیت ملیه در.

جمعیت بشریه اشخاصی یا لکز کندی حیات خصوصیه لرینه
حصر همت و منافع ملیه ای امهال و شخص معنوی ملتک اعضاسنه
طریق مشروع شرعی و قانونیه تعاون ایتمز سینه عاقبت موت
طبیعی ایله فناپذیر و عدم آباد نسبان آتیلور [کل شی هالک الاوجه]
حکمت قرآنیه سندن درس عبرت آلان عباد عرفان نژاد و اراقنی
ملتک وارلفنده و موجودیتنده آزار و ادبی ربی باحسن تأدی،
قول حکیمانه سیله آداب شرعییه دلالت بیوران حضرت فخر المرحله
سلین افتدمنک اثر پاکنه افتقا عافلانه و حکیمانه بر مساک سعادتدر،
دوشونه لم، فکر عمیق ایله تفکر ایدم، عصر سعادتدن بو آنه
قدر تسلسل ایدن آثار آداب اولیاء الله هب مساک محمدی بی عوام
نامه تعریف و تنویر ایچوند، فقط اعتراف اولنمیدرکه محققانه وضع
اولنان بر عادت مجرای تحقیقندن تباعد و صورت تقلیده تصادم
ایدنجه رونق اصایی برده جهالتله مسطور اولور انک ایچون
و ولاتقف مالیس لک به علم ان السمع والبصر والفؤاد کل اولک
کان عنه مسئوله خطاب عزتی دائما نظر مطالعه به آله رقی دنیوی
اخروی کانه اعمالک حقیقتی ادراکه ساعی اولمی ز.

مساک و طریقت محمدیه سالوک مرشد کامله مقارنتله اولور،
زمان، زمان علم و عرفان اولدینی ایچون مرشد کامل ذوالجناحین
اولمیدر، بویله بر مرشد کاملک تعریف ایدم چکی ذکر و توحید
سنک ایچون سعادت دنیا و آخرت و علم نافعددر، (توضیح):
تعریف مذکور اوزره دوران دم ضرباننه توافق ایدن ضربات
اذکار ذاکرک صحت مادیه - سیله صحت معنویه سینه امتزاج و ربوب
کشفت سیفلیه بدنیه سنی ازاله و لطافت علویه روحیه سنی اظهار
ایدر، بو دقیقه آشنا اولان اهل ذکرده صوالح اعمال و محامدن
افعال تظاهر ایدم چکندن و بع الدنیا بالآخره ترجیه خطاب حیدر -
سنه مظهر اولمش اولورلر [برکة العمر فی حسن العمل]

محمد شمسی

کیمسه محرمات شرعیہ دن اجتنابی اولدینی حالده دعوی محبتده بولور ایسه اول کیمسه کذابدر دیدار وکذلک ماملکنی اتفاق ایتمکسزین جنات عالیاته دخول ادعاسنده بولنق دخی صفت کذبندن در دیو روایت اولندی . جناب رابعه عدویه رضی الله تعالی عنها حضرتلری بر قعیده ولایتناهیلرنده ای سالک سن هم الله محبت اظهار ایدرسک یعنی اللهی سورم دیرسک وهم الله عاصی اولورسک حیاته قسم ایدرمکه میزان عقلده سنک بر حر کاتک یعنی جناب حقه هم سومت هم عاصی اولمقلک تعجب اولور حالندنر . اگر سنک جناب حقه اولان محبتک محبت صادقه ، محبت حقیقه اولیدی البتده اطاعت ایدردک چونکه ، هر محب محبوبه منقاد و مطیعدر دیمک اولور بیورمشارددر . وبعض ارکان جلیله متصوفه بیوربیورلرکه محبتک علامات ظاهره سی محبوبک رضاسنی تحصیل و محبتک حقیقیسی ، باطنیسی ایسه ماسوایه اولان علائقلری منقطع اولدینی حالده قابنی محبوبه اعطا ایتمکدر .

مابعدی وار شیخ خیرالله تاج الدین

نکات ابرار

تراجم

— ۱۴ —

عبدالرحمن جامی

مولانا عبدالرحمن جامی حضرتلری علوم متنوعه ده کی بدطولاسی ایله متناسب وبلکه فائق بر صورتده علوم ادبییه ده دخی حائز نصاب کالات برنخبرر بینظیر ایدی . لقبی (عمادالدین) ایکن بالآخره (نورالدین) لقبیله شهرتکیر آفاق اولمش ایدی . تاریخ ولادتارنده اختلاف اولوب (۸۱۷) یاخود (۸۱۸) سنه سننده مهدآرای شهود اولدینی مرویدر . نسب شریفناری امام محمد بن حسن بن عبدالله بن طهوس بن هرمز شیبانییه واسلدر . پدر جالات کسترلری زهد و تقوی ایله موصوف اولوب حیاتی مشاغل قضا و فتوی ایله اصرار ایلمشیدی . نسب طاهر وحسب باهر ایله بین الانام مقبول و معتبر اولوب اجدادی دشت اسفهنده ایکن جدبزرگوارى محمد دشتی خراسانه نقل بیوره رقی اوراده تأهل ایلمش و (خرجردجام) نام قصیده به نوطن ایتمش ایدی . مولانای مشارالیه بوراده قدمن عالم وجود اولدقلندن اشعار رنگینده (جامی) مختصنی تخاص ایتمشدرکه کیفیت شونظم دلپذیرده تصریح قلنمشدر .

مولدم جام رشحه قلم جرعه جام شیخ الاسلامیست
لاجرم در جریده اشعار بدو معنی تخاصم جامیست
جامی حضرتلرینک دها صفر سننده شعله فرط ذکا ناصیه
انورلرنده لامع اولوب آثار وقور عقل ودها وفهم کامل هر

حالده نمایان ایدی . او عصرک کلینندن مولانا فخرالدین لورستانی جامی حضرتلرینی اوج درت یاشنده اوکنه آلوب بره فیه صفحه هواده بازار کی اسماعی مشهوره رسم ایدوب تعلیم ایلر ایدی [۱] جامی ایسه استاد مشار الهک برمله نقش ابتدکی شی درحال تأمل وهراسمی رسمیه تعیین ایلر ایدی . زمان صباوتنده بوکی اعجازه قریب اطوار غریبه سی فرط ذکا سنه بر دلیل باهر ایدی . سنی زرقی ابتدکجه علوم ظاهره ده استکمال کالات ایدرک فنون متنوعه ده اغلب امثال اولمش ایدی . عهد شباننده جام قلمه سننده علو معارج وسمو مدارج ایله کندیسنندن مرتبه سی عالی کیمسه اولیوب تعلیمه مقتدر استاد بولمیدینندن جانب عرافه ترجه وعزیمت ایلدی واولوقت دنیانک ایشوک واک مهم دارالتحصیل اولان نظامیه مدرسه سننده ساکن اولوب کیچه وکوندز تکمیل کالات انسانییه وتحصل ملکات نفسانییه ایلر ایدی . بنشاده شعر وانشادن دخی بهره ورفیوضات اولق ایچون اقدامده بولنهرق امثالنه احراز توفیق ایتمش ایدی طبع موشکافی ابکار افکاره الفاظ دقیقه ایله منسوج برطرزاعجاز بخش ایدرک ساحه بلاغتنده اقرانی راجل راقشیدی . کشیده سلك لال ایلدکاری منظومه و غزللری بغایت مقبول ومعتبر اولوب او وقتدن زمانزه قدر السنه ادبا وفصحاده متداولدر .

لسان غیب اطلاقنه سزا اولان اشعار متصوفانه ایله کویا اولدقلری صروده تصوفه میل ایدوب بدرقه محبت الهیه دلالتیه طریقت علیه نقشبندییه انداب ایلدی .
او عصرده اصحاب ارشادک اقدمی اولان غوث ارباب طریقت و عده اصحاب .

اصحاب حقیقت مولانا سعدالدین کشفی [۲] حضرتلرندن اخذ فیض واثابت ایلشدر . مراسم ولوازم صوفیه یی مشارالیه دن تلم ایدوب اداب ساوکی اتمام ایلدکن صکره خواجه عبیدالله احرار نقشبندی حضرتلرینه قرین اولوب تکمیل مراتب ایلیرک غایه غایت کالات انسانییه ارتقا ایلدی .

جامی حضرتلری تصانیف بدیع سننده پیر مشارالیه کمال محبت کوستره رک اوصاف حمیده سنی تذکار ایلشدر .

جامی حضرتلرینک فضائل وکالاتی شهرتکیر عالم اولدینندن

[۱] بواسطه المانرک صبیانک تعلیم و تدریسی اصولنده اخیرآ کشف ایندکاری ادعا واپی زماندن بری تعقیب ایله نتایج مفیده الله ایندکاری اصولدرکه المانجه (کبتدر غارتن) چوچق بنجه سی دیمکدر جناب جای نیک شوفر سنه مقدم زمان صباوتنده خواجه سنندن شوصورتله اوقودینی و بناء علیه اصول مذکورک اوزمانلر مؤسس بولندینی وبالاخره آلمانرکتب شرقیه دن استنباطایله کشف ایندکاری ادعاسنده بولدقلری غیرقابل اعتراض بر صورتده تظاهر ایتمکده در .

(۲) سعدالدین کشفی حضرتلری طریقت علیه نقشبندییه یی مولانا نظام الدین خاموشی حضرتلرندن ، آنلرده علاء الدین عطار حضرتلرندن ، آنلرده پیر طریقت محمد بهاء الدین شاه نقشبند حضرتلرندن اخذ و تلقی بیورمشلدر .